

اوپنات گومر میسور عمری

هفته لقی سیاسی ، ادبی ، علمی غزته در

جلد : ۳

سنه : ۲ ۲۰ ربیع الاخر ۱۳۳۶ جمعه ایرتسی ۲ شباط ۱۹۱۸ نومرو ۲۲ — ۵۳

اجمال افکار

فاضل محترم علی امیری افندینک عرفان ملیسز حقنده اوتهدنبری صرف ایتکده اولدقلری کنجینه همت بتون محافل فکری آمزجه معلوم اولدیغندن بو بابده سوز سویلکی زائد کورورز . مشارالیهک بر عشق حقیقی ایله نوادر ملیه و مفاخر فکریه مزدن بوکره ساحه تبعااته وضع ایتدیرمکه موفق اولدقلری بر اثر کزیندن ، « کتاب دده قورقود » دن بحث ایتک ، شو حرب عالم شمولده بیله علم و عرفان ایچون وطن عثمانیده شایان افتخار بر فعالیت موجود اولدیغنی یار و اغیار نظرنده اثبات دیمک اوله . جغندن ، برقاج سطرله اثر حقنده بعض مطالعات سردینی وظیفه دن عد ایدرز .

« قورقود دده » صدر اسلامک ترک رجال مشهوره سننددر . ترک ملیته عائد مشارالیه طرفندن غایت سلیس و تزیه بر لسان ایله یازلمش بعض حکایاتی حاوی اولان بر اثرک برلین کتبخانه ایمپراطور . ریسنده بولندیغنی و قتیله علی امیری افندی استاد مز طرفندن معارف ناظر سابق شکری بک افندی یه خبر ویرلمسی اوزرینه در حال برلینه مراجعت اولمش و صورتی فطوغراف ایله استنساخ ایدیلهرک بورایه جلب اولمش ، بوکرده معارف نظارت جلیله سنجه کتاب شکلنده باصدیرلمشدر .

اثری تدقیق ایتدک ، حقیقت حالده ملیته مربوط اولان هر فرد ، بونزیه کتابک سلاستیه افتخار ایدیه بیلیر . لسانک ساده لکنی انکار و ترجمه ده افکارک آچیقجه افاده سی عدی الامکان اولدیغنی ادعا ایدنلره قارشو بو نفیس اثرک برقاج صحیفه سی مسکت بر جوابدر . طبقات منوره مز ایچون برخزینه اولان بو اثرک کوشه نیانندن قورتارلمسی خصوصنده مکرم استاد مز علی امیری افندینک واقع اولان همترین نه قدر متشکر ایهک ، بو بابده فدا کارقلر اختیار بیوران معارف نظارتنه ده اودرجه منتدارزم .

[فاضل محترم علی امیری افندی استاد من طرفدن اهدا بیورلشدور:]

دیوانه حضرت فاطمه :

بر غزل عاشقانه وشاهانه

بر شاهه قول اولدمکه جهان آ که کدادر

بر ماهه طوتلدمکه یوزی شمس ضعی در

سودو کمیسه سنی کناهم بهی آفت

اولدورمه بنی جورله کم عشقی بلادر

باش اوزره یر ایتسم یریدر شعله آهه

هجران شی یار ایشکنه راهنادر

عیده یوزک و قدره ضاچک اوله لی تشیه

قدر ایله بکا عید همین صبح و مسادر

آهم فلکه ایردی یاشم طوتدی جهانی

حالمه بنم شاهد اولان ارض و مسادر

عونی [۱] دله ظلم ایلدم اول دلبری سودم

جور ایله جفا با که جزا اولسه سزادر

بر دلبره دوشوردی بنی کردش دوران

کیم ماه و کونش یوزی ضیاسنده سهادر